

懷遠縣志卷之十三

賜同進士出身安徽鳳陽府懷遠縣知縣孫讓修

古城戍考

古向城在縣西四十里

春秋隱二年莒人入向杜註向小國也譙國龍亢縣東南有向城

春秋襄十四年季孫宿叔老會晉士匄齊人宋人衛人鄭公孫薑曹人莒人邾人滕人薛人杞人小邾人會吳于向京相璠曰向楚地

漢書地理志沛郡向故國春秋時莒人入向姜姓炎帝後師古曰音餉

懷遠縣志

卷十三

考城戍

一

後漢書王霸傳建武十三年增邑戶更封向侯章懷註向縣屬沛郡左傳曰莒

人入向今密州莒縣南又有向城

續郡國志沛國向本國

水經註北肥水又東南逕向縣故城南地理志曰故向國也世本曰許州向申姜姓也炎帝後京相璠曰向沛國縣今并屬譙國龍亢也杜預曰龍亢縣東有向城漢世祖建武十三年更封富波侯王霸為侯國即此城俗謂之圓城非

縣舊志向城在縣西四十里渦水之陽今為故縣村按村旁宮家溝東掘

地往往得古城甄

按向地見春秋經傳者凡六隱二年莒人入向十一年王與鄭人蘇忿生之川向宣四年公伐莒取向僖二十六年公會莒子

衛甯速盟于向襄十一年傳諸侯會於北林師於向十四年會
吳於向杜註於入向以爲古龍亢東南於與鄭之向云在軹縣
西於取向盟向云莒邑於師向云在隸川長社縣東北於會向
但云鄭地古今地志書著向地者漢書地理志沛郡向縣古向
國續郡國志隸川長社縣有向鄉於欽齊乘沂州西南一百里
有向城太平寰宇記莒縣西南有向城龍亢之向今懷遠地長
社之向今開封府尉氏縣地莒縣沂州之向今莒州地軹縣之
向今懷慶府濟源縣地詩皇甫作都于向卽此杜氏沿漢志之說以莒人
入向爲沛國之向恐非是春秋之莒卽今莒州距今懷遠且千
里叢爾之莒豈能懸師遠入人國竊意莒所入之向乃沂州之
向莒入向而兼其地而魯復伐莒而取之後遂爲會盟所耳沛
當塗故縣在塗山之麓

國之向乃會吳之向中國會吳皆就之於淮上如鍾離今鳳陽善
道今盱皆是也當以京相璠之說爲正

漢書地理志九江郡當塗侯國莽曰山聚 功臣表當塗康侯
魏不害正和二年封莽敗絕

後漢書光武十王傳永初四年封任城貞王弟亢爲當塗鄉侯
隋書地理志塗山舊曰當塗開皇初改曰塗山

大清一統志當塗故城在懷遠縣東南漢武帝征和二年封魏
不害爲當塗侯國屬九江郡漢志注應劭曰禹所娶塗山侯國
也有禹虛三國時縣廢晉太康元年復置成帝時淮南民多南
渡江乃僑立當塗縣於江南而故縣廢爲馬頭城升平三年豫

州刺史謝萬遣劉建修治馬頭城自率眾入渦潁水經注淮水
逕馬頭城北魏馬頭郡治卽當塗故城也隋書志鍾離郡塗山
舊曰當塗後齊改曰馬頭置郡曰荆山開皇初改縣曰塗山廢
郡唐書地理志鍾離武德七年省塗山縣入焉縣志今爲馬頭
集在縣西南二十里又新城在縣南四十里遺址尙存
江南通志當塗城在懷遠縣西南二十里古塗山氏國漢置當
塗縣屬九江郡今爲馬頭集水經注云淮水經馬頭城北魏馬
頭郡治卽當塗故城

讀史方輿紀要當塗城在縣東七里塗山北麓下古塗山氏國
漢爲當縣屬九江郡武帝封魏不害爲侯邑後漢仍爲當塗縣
建安十三年孫權圍合肥使張昭攻當塗不克縣尋廢晉初復

置屬淮南郡安帝時立馬頭郡及僞置諸縣於其地宋齊因之
後魏亦爲馬頭郡地魏收志馬頭郡領蘄縣等縣正光中陷天
平中復治建平城蓋當塗故城西高齊曰馬頭縣改置荆山郡
隋開皇初郡廢改縣曰塗山屬濠州唐武德四年并入鍾離
乾隆府廳州縣志當塗故城在縣東南

縣舊志當塗城在縣東塗山北麓故址爲淮所圯矣

按諸書皆言當塗故城在縣東南不著其地惟方輿紀要及舊
縣志云在塗山北麓舊縣志并云爲淮所圯相視地勢塗山之
北俱直逼淮水無地可以容一城若云已淪於淮則淮流此處
亦不甚廣又別無故基址瓦礫可以按尋者當是意說耳而水
經注明言魏馬頭郡治卽當塗故城其言要可依據也

龍亢故縣在今龍亢鎮

漢書地理志沛郡龍亢

史記建元以來侯者年表龍亢侯樛廣德元鼎五年侯索隱曰

晉灼云龍闕左傳齊侯圍龍龍魯邑蕭該曰廣德所封止是龍

有亢者誤也按漢書功臣表但云龍侯無亢字故蕭該云然考齊侯圍龍之龍史記魯世家作隆而漢書地理志

別無龍縣龍亢縣下不著侯國者未幾即除也

水經註渦水又東南逕龍亢縣故城南漢建武十三年世祖封

傅昌為侯國故語曰沛國龍亢至山桑者也按後漢書傅俊傳建武七年卒子昌

嗣徙封蕪湖侯酈氏以為封龍亢未審川據

又渠水篇經又東南過龍亢縣南注沙水逕城北又東南逕白

鹿城北而東注也

太平寰宇記宿州斬縣龍亢故城在縣南八十里開皇六年廢隸斬縣

大清一統志龍亢故城在懷遠縣西漢置龍亢縣屬沛郡元鼎

五年封樛廣德為侯邑後漢屬沛國晉改屬譙郡東晉後廢梁

普通六年趙景悅拔魏龍亢城因置龍亢郡魏書地形志譙州

有龍亢郡梁武置仍領龍亢縣武定六年置是也隋開皇初郡

縣俱廢唐武德四年析夏邱縣地復置貞觀八年省縣志龍亢

城俗名柴王城今為龍亢集在縣西北七十五里

讀史方輿紀要龍亢城在縣西北八十五里渦水之陽漢沛郡

屬縣也後漢仍屬沛國晉屬譙國南渡後廢僑置于今和州之

境魏收志太和十九年置下蔡郡龍亢縣屬焉蕭梁置龍亢郡

領龍亢等縣東魏北齊皆因之隋郡縣俱廢唐初復析夏邱置龍亢縣貞觀中省今縣有龍亢村亢讀作岡南史齊建武末裴叔業攻渦陽別遣軍至蕭潰等攻龍亢破魏兵梁普通六年趙景悅拔龍亢卽此城也

江南通志龍亢城在懷遠縣西北七十里今爲龍亢集

縣舊志龍亢城俗名柴王城在縣西七十里

乾隆府廳州縣志在縣西北七十五里龍亢集

湯若荀曰今龍亢滙源橋北俗各上集前臨抄河西至崇甯寺二里東至蕭橋一里餘地皆瓦礫碎如鷄卵居人于耕耘處時獲金石殘器其爲龍亢舊城無疑舊志以柴王城當之非是又按水經注於陰溝水篇云東南逕龍亢縣故城南而於渠水

篇經云沙水東南過龍亢下注云逕故城北則欠水之南別有一龍亢故城矣今欠水之南自劉家集以上別無故城意北字乃南字之訛也

平阿故縣在今孔岡

史記齊田完世家宣王七年與魏王會平阿南正義曰沛郡平阿縣也

漢書地理志沛郡平阿侯國莽曰平甯 外戚恩澤侯表平阿安侯譚河平二年封建武二年絕

水經註淮之西有平阿縣故城王莽之平甯也建武十三年更

封耿阜爲侯國

按後漢書耿純傳建武十三年純卒子阜嗣徙莒鄉侯不云平阿未知酈氏所據

大清一統志平阿故城在懷遠縣西南漢成帝河平三年封王

譚爲平阿侯國屬沛郡後漢建武十三年更封耿阜爲平阿侯後爲縣屬九江郡晉屬淮南郡東晉後廢水經註淮西岸有平阿縣故城縣志有平阿集在縣西南六十里平阿山下按魏志譙州高塘郡有平阿縣在今天長縣及高郵州界蓋南北僑置非故城也

江南通志平阿故城在懷遠縣西南六十里戰國時齊邑漢爲縣今有平阿集在縣西南平阿山下按魏收志云譙州高塘郡有平阿縣在今天長縣及高郵州界蓋梁時僑置於此非故縣也按梁太清時侯景之亂淮南郡縣盡沒於魏然其境止及鍾離盱眙不能至高郵也今定遠尙有高塘館之各高塘郡當卽置子定遠平阿卽縣境之平阿耳

縣舊志平阿山在縣西南六十里漢有平阿縣因山爲名

乾隆府廳州縣志平阿故城在縣西南六十里平阿集

讀史方輿紀要平阿城在縣北三十里戰國時爲齊邑魏惠王三十五年與齊宣王會於平阿南是也後屬於楚漢置平阿縣屬沛郡後漢屬九江郡光武更封耿阜爲侯邑三國曹魏嘉平初兗州刺史令狐愚屯於平阿以拒吳人是晉屬淮南郡永嘉後廢梁復置平阿縣屬高塘郡魏因之後周廢按水經注淮水又北沙水注之淮之西有平阿城則平阿故城當在沙水入淮處今縣境孔岡南距欠十餘里東北距淮五六里有舊城址周圍六七里當卽故平阿縣其地距塗山不遠故續後漢志云平阿有塗山也通志及舊府縣志云古縣西南六十里蓋以平阿山當平阿城不知城若在山下則距淮西北甚遠酈氏不當云

淮之西有平阿故城今山下亦更無舊城遺址 紀要通志皆據齊魏會於平阿之文遂以此爲齊邑亦非戰國時淮南北皆楚地也當從孟嘗君傳作東阿耳

義成舊縣卽渦口城今各拖城村

漢書地理志沛郡義成 功臣表義成侯甘延壽竟甯元年封大清一統志義成故城在懷遠縣東北漢竟甯元年封甘延壽爲義成侯國屬沛郡後漢改屬九江郡晉屬淮南郡東晉後省魏書地形志復有義成縣屬仁州臨淮郡齊并入穀陽縣水經註義成世謂之楮城其地當渦水入淮處亦名渦口元和志貞元濠州西渦口對岸置兩城刺史常帶兩城使以守其要縣志有菴城在縣東北十五里卽古渦口城亦卽義成縣明一統志

在縣西北四十里誤水經註淮水篇淮水又東北逕沛郡義成縣東 陰溝水篇北肥水又東南逕義城南世謂之楮城非又渠水篇經又東南過義城縣西南入於淮註義城縣故屬沛後隸九江

趙一清水經註釋曰水經渠水篇云又東南過義成縣西南入於淮此篇註云渦水 沙水東南流逕荆山左合北肥水又東注於淮今鳳陽府懷遠縣東北十五里有渦口城又東北四十五里有向城卽渦水入淮之處與漢志合故道元以經言下邳淮陵入淮爲非此義城卽沛郡之義成縣胡渭云義成故城今各拖城顧祖禹云渦口城今訛爲菴城渦拖音韻聯而註又有楮城之目殆字形之變耳

讀史方輿紀要渦口城在縣東北十五里今訛爲拖城齊建武末裴叔業攻渦陽魏將王肅等馳救叔業引還爲魏所敗還保渦口唐時於渦口對岸築兩城刺史常帶兩城使建中二年李正己叛遣兵扼埭橋渦口江淮進奉船千餘艘泊渦口不進詔以張萬福爲濠州刺史萬福馳之渦口立馬岸上悉發江淮進奉船相銜以進淄青將晚睥不敢動李吉甫云濠有渦口之險是也五代周顯德三年攻唐淮南周至至濠州時渦口奏新作浮梁成遂如渦口置鎮淮軍明年城鎮淮軍爲二城夾淮水徙下蔡浮梁于其間以扼濠壽應援之路會淮水漲唐濠州將郭廷謂以水帥沂淮欲掩不備焚浮梁爲周將趙匡贊所敗周至尋命白訓戍鎮淮軍鎮淮軍蓋卽渦口城也宋紹興初僞齊劉

貌自渦口侵定遠嘉定十二年金人分道寇淮南至楚州賈涉使李全要其歸路全進至渦口敗金人於化胡陂

江南通志義成故縣在懷遠縣東北十五里其地當渦水入淮處亦名渦口舊縣志云有拖城在城東北十五里卽古渦口城地明一統志謂義成在縣西北四十里

乾隆府廳州縣志義成故城在縣東北十五里卽古渦口城

曲陽故縣在龍頭壩

漢書地理志九江郡曲陽侯國莽曰延平亭

水經註淮水又右納洛川于西曲陽縣北洛水北逕西曲陽縣故城東王莽之延平亭也應劭曰縣在淮西之陽下邳有曲陽故是加西也

太平寰宇記定遠縣古曲陽城在縣西北九十五里秦爲曲陽縣王莽割入陰陵縣

按此語不知所本

江南通志曲陽城在定遠縣西北九十五里

讀史方輿紀要定遠縣曲陽城在縣西北九十五里漢縣治此晉廢後魏復置屬北沛郡梁普通六年曹景宗拔魏曲陽水經註洛水經淮南山陽故城蓋亦是時戍守處隋志梁置九江郡後齊廢郡爲曲陽縣後周又廢曲陽入定遠卽此城矣

按縣東南七十里龍頭壩之西濱洛水有廢城址洛水穿其中而行基址依約可辨東西幾十餘里卽古曲陽也有城隍廟方慄云土人舊稱爲冀州城隍廟土人稱大王廟在上窰東南二十里洛水東岸夏月水大宛在水中

馬頭郡卽當塗故城

宋書州郡志徐州刺史部馬頭太守屬南豫州故淮南當塗縣地晉安帝立因山立各去京都水一千七百五十陸六百七十一

水經註淮水自莫邪山東北逕馬頭城北魏馬頭郡治也故當塗縣之故城也

太平寰宇記鍾離縣馬頭城在縣西一百一十七里按晉太元二年謝元爲兗州刺史以爲馬頭城

按州郡志永和十一年謝尙鎮馬頭樂氏此語殊失

考

至義熙元年立爲馬頭郡緣山形爲各顧野王輿地志云其界卽當塗山國之舊地也梁大通元年刺史劉公茂移居新城從

茲遂廢按此語亦不知所本

通鑑地理通釋曰通典晉謝尚鎮馬頭城在盛唐縣北通典與壽州盛唐

漢霍山縣晉永和申謝尚鎮馬頭城即今縣北也

郡縣志縣北二十里今安豐軍六安縣輿地廣記六安縣北宋

志馬頭太守屬南豫州故淮南當塗縣地按晉時豫州刺史或鎮壽陽或鎮歷陽或

鎮馬頭皆扼南北形要馬頭自當是馬頭郡其地扼洛口渦口與鍾離壽陽犄角也無緣至六安霍山山僻之地通典于濠州

下既註云舊當塗縣晉安帝立馬頭郡復於盛唐下別出謝尚所鎮之馬頭頗抵梧王氏引郡縣志輿地廣記以貴通典之說

而又綴宋志於未尤不可解

讀史方輿紀要馬頭城在縣西南二十里下臨淮河舊志云在

縣西二十里又西二十里有梁時所置馬頭新城下有新城淮

河渡沈約曰馬頭郡晉安帝立因山形如馬頭而名領虞縣等

縣屬南豫州虞縣亦僑置縣也宋元嘉二十七年魏人分道南

寇遣將長孫真趣馬頭拓拔英趣鍾離既而拓拔仁逼壽陽馬

頭鍾離悉被焚掠齊建元二年魏拓拔琛攻拔馬頭城殺太守

劉從梁天監五年魏將元英等復取梁城逐北至馬頭城攻拔

之尋復入於梁梁末魏復取之陳大建五年伐齊沈善慶克馬

頭城是也南齊志馬頭郡領已吾縣蓋分虞縣地僑置齊以虞

縣屬鍾離縣後魏復析置斬縣並為當塗故地隋省輿程記今

縣西二十二里地各馬頭城為往來渡淮者必經之地蓋即南

北朝時故郡治矣胡氏曰當塗故城南北朝兵爭之際為馬頭

城胡氏蓋誤以當塗城為馬頭城云 按顧氏誤以塗山北麓

別有一當塗城故強生此分別其實非是馬頭即當塗說本水

經注亦不當以規胡氏也

舊縣志馬頭城在縣南二十里卽馬邱聚之地續漢書注曰當塗有馬頭聚通典曰晉永和間謝尚鎮馬頭城蓋始易名也

錢大昕二十一史考異按漢沛郡有建平城章懷太子云建平故城在今亳州鄆縣西北一名馬頭城後漢書銚卽此馬頭郡

也魏時淮南北皆有馬頭郡此南兖州之馬頭領斬已吾下邑三縣在淮北又楚州治鍾離亦有馬頭郡領斬平預二縣在淮南

今懷遠縣西南有馬頭城是也

按馬頭城在淮水濱縣南別有馬頭集在渦水之濱晉魏之馬頭郡城卽今馬頭城非馬頭集也通志字誤耳

廢零縣廢虞縣廢濟陽縣

宋時州郡志馬頭太守故淮南當塗縣地領縣三處縣令零縣令濟陽令

按虞與濟陽皆僑置于縣境今其地無考

廢已吾縣卽平阿故城在孔岡

南齊書州郡志馬頭郡領縣一已吾

魏書地形志楚州沛郡領縣三已吾有塗山荆山乾隆府州廳縣志已吾廢縣在縣北三十里名古城

按已吾有塗山荆山則其地在今縣治左右疑卽漢之平阿縣地在今縣南之孔岡者續漢志云平阿有塗山魏書志亦云已

吾有荆山塗山是也許所望曰今孔岡有已吾澗俗訛爲呶晤

澗

廢汴郡廢蕭縣在今劉家集

魏書地形志譙州汴郡領縣二蕭有平阿山

江南通志廢汴郡在懷遠縣西南魏收志云譙州有汴郡梁武帝置

按蕭有平阿山其地當在今縣西南許所望言今欠河南劉家集東有古城埂長數里土人謂之慈鴉城距平阿山十餘里當是也 通志謂廢汴郡在縣西南不知所本

廢龍亢郡廢葛山縣在今葛山寺

魏書地形志譙州龍亢郡蕭衍置魏因之領縣二葛山武定六年置龍亢武定六年置

太平寰宇記斬縣葛城戍在縣南九十里後漢地形志葛山縣

屬龍亢郡北齊天寶七年廢入龍亢縣隋開皇六年爲戍十六年廢

按縣西河溜集有葛山寺卽古葛城戍也其居民猶多葛姓距舊斬縣九十里

廢北譙郡廢梁郡廢蒙縣在今洛河鎮左右

魏書地形志揚州治梁郡領縣二蒙有馬頭城

太平寰宇記引輿地志宋明帝於淮南立梁郡領北譙北梁蒙城父四縣梁克壽春後立北譙郡於故曲陽地北譙蒙二縣屬焉 按宋書州郡志無立梁郡之文

讀史方輿紀要鳳陽縣梁城在府西南九十里亦曰南梁城晉太元中僑立南梁郡於淮南兼領僑縣義熙中土斷始有淮南

故也屬南豫州宋大明六年屬西豫州改爲淮南郡八年復故
齊曰梁郡梁因之胡氏曰其地在鍾離西南壽陽東北梁天監
五年徐州刺史昌義之與魏將陳伯之戰於梁城敗績伯之尋
自梁城來歸義之因進克梁城旣而魏將邢巒與元英合攻鍾
離義之引退六年元英攻鍾離不克單騎遁走梁城緣淮百餘
里尸相枕籍十五年魏將崔亮攻下蔡斷淮流義之屯梁城不
得進後魏仍置南梁郡隋開皇初廢五代志壽春縣舊有南梁
郡治睢陽亦晉宋間僑縣也今淮河中有梁城灘東至洛河口
二十五里 按晉僑立南梁郡此語未知所本云在鳳陽縣西
南九十里今鳳陽西南境不能九十也梁城灘今亦無此地各
未審所據

按梁魏屢爭梁城蓋卽梁郡之城今洛河鎮東南眾興集有古
城址南北土阜凡十二處其集西二土阜相傳爲梁城西門四
圍隆起約周五里許土人猶有知爲古梁城者蒙有馬頭城當
卽梁劉公茂所移之新城

廢彭沛二郡廢南陽縣廢洛陽縣中陽縣無考

魏書地形志彭沛二郡領縣三南陽有山陽城中陽洛陽

趙一清水經註釋曰此洛陽卽洛澗之陽也

按三城相連皆當在洛水之北古曲陽左右而其地皆無考

渦陽舊城今名古城

水經註陰溝水篇渦水又東經渦陽城北臨側渦水魏太和中

爲州治

一清按寰宇記後魏孝文帝時置渦州卽山桑城其地後入于梁復入魏改爲譙州改譙縣爲渦陽縣州治上

疑落以孟表爲刺史後罷州入郡衿帶場戍

魏書地形志譙州治渦陽城領郡七南譙郡領縣四渦陽武定六年置有北平城曹操祠

縣舊志古城卽渦陽城在縣北三十里梁大通元年將軍陳慶之攻魏渦陽克之卽此遺址存

按蒙城雙澗集有故城址相傳爲古渦陽城梁書魏救渦陽前軍至駝澗去渦陽四十里駝澗今蒙城駱駝舖距雙澗集四十里則其爲古渦陽城無疑然爾時渦陽左右凡十三城必有一二城在縣境者不必定以雙溝一城爲渦陽耳

廢荆山郡馬頭縣卽新城

隋書地理志塗山舊曰當塗後齊改曰馬頭置荆山郡開皇初

廢

太平寰宇記馬頭城梁大通元年刺史劉公茂移居新城 又洛水流至新城村南十五里入淮

江南通志新城在懷遠縣西四十里

縣舊志新城在縣南四十里梁置馬頭郡刺史劉公茂所築北齊改爲馬頭縣隋開皇初廢遺址存

考城

讀史方輿紀要考城在縣東南四十五里本漢陳留郡屬縣江左僑置於此沈約志考城縣屬盱眙郡蕭齊因之後廢

江南通志考城在懷遠縣南五十里沈約宋志云盱眙郡有考城縣蕭齊因之魏廢蓋卽此

乾隆府廳州縣志考城在縣東南四十五里

縣舊志考城在縣南五十里相傳為漢考城縣遺址今為考城舖東西大道通鳳壽等處

按此蓋僑縣宋書州郡志南兖州刺史部鎮廣陵有盱眙太守領

考城令南齊書同又云東燕郡江左分濮陽所立領燕縣白馬平昌

考城四縣文帝元嘉十八年省考城併燕南齊書州郡志南徐

州鎮京口有南濟陽郡領考城其地離此俱遠舊志以為漢縣遺

址固謬通志以此為盱眙所僑置之考城亦恐未然也前漢梁國留縣

後漢章帝改曰考城屬陳留郡即今之考城縣

荆山城今謂之舊城

胡三省通鑑注顯德四年荆山在鍾離縣西八十三里梁武帝築堰

懷遠縣志

卷三

考城戍

十五

之地今懷遠軍正治荆山

讀史方輿紀要荆山城在縣治北三里亦謂之舊城北魏所置

城也梁天監十四年魏人以梁堰淮水命楊大眼鎮荆山因築

城置戍於此普通五年北兖州刺史趙景悅圍魏荆山拔之魏

將元琛赴救復荆山戍既而荆山來降尋沒於東魏高齊因置

荆山郡治於此隋初郡廢唐為鍾離縣地五代周顯德四年圍

唐壽州大破其援軍於紫金山餘眾東走周軍夾岸追之周主

自趙步循淮夾岸馳至荆山洪距趙步二百餘里夜宿鎮淮軍

因城之蓋是時置軍築城也是年唐將郭廷謂將水軍斷渦口

浮梁又襲敗武甯節度使武行於定遠周主因自石梁至鎮淮

軍遂濟淮攻濠州宋初軍廢寶祐五年賈似道奏以渦口上環

荆山下連淮岸險要可據遂置荆山縣改軍各懷遠以縣屬焉
元改軍爲縣以荆山縣省入

大清一統志荆山故城在懷遠縣北後魏延昌四年以梁堰淮
水命楊大眼鎮荆山梁普通五年北兗州刺史趙景悅圍魏荆
山拔之高齊置荆山郡隋廢九域志斬縣有荆山鎮寶祐五年
賈似道奏以渦口上環荆山下連淮岸險要可據於此置懷遠
軍兼置荆山縣元改軍爲縣舊志荆山城在縣北三里亦謂之
舊城

江南通志荆山城在懷遠縣北三里亦謂之舊城梁天鑑中魏
人以梁堰淮水命楊大眼鎮荆山因築城置戍焉
縣舊志舊城在縣北三里基存

乾隆府州廳縣志後魏荆山故城在縣北三里俗謂之舊城
按今荆山山半土各老城埂其城址周山之南迤邐而東遶山
北至鳳皇池而止蓋卽當時荆山城遺址也 又按梁方堰淮
水魏安得以軍鎮荆山意魏所置鎮在壽陽之北欠水之南特
遙取荆山以爲名耳然其地旣不可考而地志相仍皆同此說
姑從之

邊軍城無考

江南通志邊軍城在懷遠縣西八里宋末江淮安撫使夏貴所
築

縣舊志在縣北八里宋夏貴築遺址存

按今縣北八里更無遺跡豈卽指渦北之馬頭集耶

馬邱聚不知所在

續郡國志當塗有馬邱聚徐鳳反於此

太平寰宇記馬邱城續漢書云當塗有馬邱聚徐鳳反於此

江南通志馬邱城在定遠縣西南二十五里卽漢志當塗縣之馬邱聚也一名藍柵城

按馬邱聚亦曰馬邱城蓋卽馬頭郡所以立各當在今馬頭城附近故徐鳳據此以聚眾於塗山中耳以其爲扼要之地故其後遂置郡於此也通志謂在定遠西南二十五里殊悞

秦墟卽今之上窰

水經註洛水經曲陽故城又北歷秦墟

梁書曹世宗拔魏曲陽又拔秦墟

懷遠縣志

卷三

考城戍

十七

江南通志秦墟蓋亦當時戍守處與曲陽相近

按北人謂市集爲墟今自故曲陽縣而北惟上窰爲走集處又居兩山間得控扼之勢故當時置戍於此後周顯德中李穀亦敗南唐兵於上窰也

禹墟在塗山下

水經註禹墟在山西南 又溪水引瀆注禹墟

漢書地理志注應劭曰禹所娶塗山侯國也有禹墟

按禹墟宋時謂之禹會村見東坡詩今禹村岡正當塗山南麓也

荏眉戍無考

南齊書崔祖思傳軍主崔孝伯過淮攻拔荏眉戍殺戍主龍得

侯及偽陽平太守郭杜珉館陶令張德濮陽令王明
江南通志莊睂戍在懷遠縣西北魏置齊建元二年魏人攻鍾
離徐州刺史崔文仲遣兵渡淮攻破其莊睂戍是也
按魏書州郡楚州有北陽平郡領濮陽陽平二縣陽平僑郡當
卽置于莊睂戍楚州本僑置于鍾離所領馬頭彭沛等郡多在
縣境則莊睂戍亦當在縣境矣通志以爲在縣西北不知別有
所本否莊作莊形近之訛

白鹿城在劉家集

水經註渠水篇沙水逕龍亢故城北又東南逕白鹿城北而東
注

按欠水自龍亢而東水之南岸惟劉家集有古城址當卽白鹿

城意爾時尚未置蕭縣耶

濬城今永平岡

水經注淮水東逕梁城城臨側淮川川左有濬城淮水左迤爲
濬湖

按濬湖卽湯漁湖古梁城之左正當湯漁湖也今永平岡濱湖
處遇水沖塌時有古城輒蓋卽古濬城矣

柴王城在龍亢

崇甯寺東南有土壘周圍約四五里俗各柴王城蓋周顯德時
南征屯兵處或云龍亢舊城非也今四面爲窮民叢葬處

團城

舊縣志在縣北二十五里遺址存

按城在肥河南大僅可周一里城已隳河之北爲古城村亦有
一古城城基尙存皆當在北魏時渦陽十三城之內

古城

在欠河之北河溜之南土城也

新城

在縣治東南明崇禎時所築詳營建

縣境古城址可考者凡十有六處縣署後荆山之半名老城埂

北魏所置荆山軍也欠之南則孔岡漢平阿國南齊永平岡北魏滑劉家

集水經注之白鹿城渦之南則葛山寺北魏葛山縣渦之北則

故縣村漢向縣也龍亢集漢龍亢縣也淮之北則拖城村漢義城國唐淮

之東則馬頭城漢當塗國晉新城梁劉公茂所眾興集北魏梁

龍頭壩漢曲陽國也考城劉宋僑肥之北則古城村之西夾肥河有

兩城北爲古城南爲團城龍亢又有柴王城皆在渦陽當在北

數而欠河劉鐵壩之北又有一古城則不知其於古何當也鄉

里所謂古堆者或舊時置戍設守處或戰場京觀均不可知凡

三十餘處裴家汊溝東有郭家古堆溝西有言家古堆眾興集

西有五子古堆馬頭城東北有王家庄古堆郭陂塘西有兩大

古堆宋家溝東有沈家古堆或以爲孫溝西有梅家古堆上窰

東西有兩九女古堆康家橋南有古堆廟永平岡西有永甯古

堆柳溝有四古堆溝西三溝東一相距五里劉家集東北有大

古堆萬福集東有老鼠古堆西有竇家古堆曹老集西南有慌

古堆在水又西南有大古堆二相傳曹操何家集西有崔家古

堆顏家古堆西新集北有大古堆南有高皇廟古堆三官廟古堆古城村南有大古堆俗云渦陽王墓烏雲寺有西北柏家古堆龍亢東北有何家古堆草市東北有茅沖古堆雙溝集北有陳厨廟古堆錢家岡西北有金家廟岡子古堆故縣村東北有楊家古堆亦可爲考古者之資也漢時列城壤地甚褊小渦之北爲龍亢爲向爲義成龍亢西至靳縣義成東至鍾離皆不過數十里計三縣所占緣渦東西百里之中耳南旣逼渦北則浚相諸縣其間且不及百里渦之南爲平阿大抵東距淮北距渦南界下蔡西界蒙縱橫亦不過數十里淮之東爲當塗爲曲陽當塗西北距淮南距洛東界陰陵曲陽北距洛西距淮北界壽春東界東城縱橫亦俱不及百里雖其疆理不可盡指而按地度勢大

概較然可知意秦漢時生聚頗繁以戶口定縣籍不計地之廣狹及其衰耗遂一并而不可復分也漢時郡縣多以大川爲界如沛與九江以淮爲界是也後漢以平阿義成屬九江則九江之界跨淮續志注謂平阿有塗山則平阿之界跨淮矣意其時義成平

阿遷治淮南然自來方志無有言之者謂平阿有塗山或是續志之誤濱渦諸縣亦以渦爲界水

經注謂沙水至義城南入淮其誤顯然漢書地理志注渦水至向入淮水經注亦云北肥水至義城南入渦則向之東義成之西又以肥爲界矣義成安能越向而至沙水耶南北分疆各劃淮而守故南鎮馬頭北鎮渦陽其自壽春爭鍾離則守梁城其大勢也宋軍荆山實爲無策其意以爲阻水而負山耳不知山旣單狹無容屯之處渦水上流褰裳可涉敵旣入渦則水無可

恃敵若由陸而至則此軍三面阻水進不能前退無可走是爲
置軍死地幸元人專意襄漢不之爭耳

